



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏԻ ՆԱԽԱԳԱՀ**

Ո Ր Ո Շ ՈՒ Մ

ՎԱՐՈՒՅԹԻ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

4 դեկտեմբերի 2023 թվական

ք.Երևան

Ուսումնասիրելով թիվ ՄԴ/0160/01/23 քրեական վարույթի ընդդատության հարցը լուծելու համար Վճռաբեկ դատարանի քրեական պալատի նախագահին ուղարկելու մասին Երևան քաղաքի առաջին ատյանի ընդհանուր իրավասության քրեական դատարանի՝ 2023 թվականի նոյեմբերի 20-ի որոշումը,

Պ Ա Ր Զ Ե Ց Ի

Վարույթի դատավարական նախապատմությունը.

1. 2023 թվականի սեպտեմբերի 26-ին Սյունիքի մարզի առաջին ատյանի ընդհանուր իրավասության դատարանում ստացվել է Ավետիք Գևորգի Նավոյանի վերաբերյալ ՀՀ քրեական օրենսգրքի 525-րդ հոդվածի 5-րդ մասով թիվ 91100821 (ՄԴ/0160/01/23) քրեական վարույթը:

Սյունիքի մարզի առաջին ատյանի ընդհանուր իրավասության դատարանը 2023 թվականի հոկտեմբերի 2-ին որոշում է կայացրել թիվ ՄԴ/0160/01/23 քրեական վարույթն ստանձնելու և 2023 թվականի հոկտեմբերի 9-ին նախնական դատալսումներ նշանակելու մասին:

2. Սյունիքի մարզի առաջին ատյանի ընդհանուր իրավասության դատարանը 2023 թվականի նոյեմբերի 2-ին՝ նախնական դատալսումների ընթացքում, որոշում է

կայացրել քրեական վարույթի տարածքային ընդդատությունը փոխելու և վարույթը Երևան քաղաքի առաջին ատյանի ընդհանուր իրավասության քրեական դատարան ուղարկելու մասին:

3. Երևան քաղաքի առաջին ատյանի ընդհանուր իրավասության քրեական դատարանը 2023 թվականի նոյեմբերի 20-ին որոշում է կայացրել թիվ ՍԴ/0160/01/23 քրեական վարույթը Վճռաբեկ դատարանի քրեական պալատի նախագահին ուղարկելու մասին՝ ընդդատության հարցը լուծելու համար:

4. Քրեական վարույթը Վճռաբեկ դատարանում ստացվել է 2023 թվականի նոյեմբերի 27-ին:

Ընդդատության վերաբերյալ հարցը լուծելու համար էական նշանակություն ունեցող փաստական հանգամանքները.

5. 2023 թվականի հունիսի 21-ին Ավետիք Գևորգի Նավոյանի նկատմամբ ՀՀ քրեական օրենսգրքի 525-րդ հոդվածի 5-րդ մասով հանրային քրեական հետապնդում է հարուցվել այն բանի համար, որ *«նա հանդիսանալով ՀՀ ՊՆ 52258 զորամասի 3-րդ հրաձգային գումարտակի դիպուկահարների ջոկի հրամանատար, պայմանագրային զինծառայող, կոչումով սերժանտ պարտավոր լինելով 2021 թվականի փետրվարի 16-ին ժամը 10.00-ին ներկայանալ ծառայության վայր հանդիսացող ՀՀ ՊՆ 52258 զորամաս՝ մասնակցելու մարտական հերթապահությանը նախորդող նախապարտադրական փուլին, 2020 թվականի սեպտեմբերի 27-ի թիվ 1586-Ն որոշմամբ Հայաստանի Հանրապետությունում հայտարարված ոստիկանական դրության ժամանակ առանց հարգելի պարճառների նշված ժամանակում չի ներկայացել ծառայության վայր, այլ միայն 2023 թվականի փետրվարի 19-ին ժամը 18.00-ի սահմաններում ինքնակամ ներկայացել է ՀՀ ՊՆ 52258 զորամաս, զինվորական ծառայությունից ժամանակավորապես խուսափելով 72 ժամից ավելի, բայց 240 ժամից ոչ ավելի տևողությամբ»¹:*

6. Սյունիքի մարզի առաջին ատյանի ընդհանուր իրավասության դատարանը 2023 թվականի նոյեմբերի 2-ի որոշմամբ արձանագրել է. *«(...) Սույն գործով վարույթի մասնավոր մասնակից է հանդիսանում մեղադրյալ Ավետիք Գևորգի*

¹ Տե՛ս վարույթի նյութեր, հատոր 1, թերթեր 187-188:

Նավոյանը, ով բնակվում է Դաւարանի սպասարկման տարածքից դուրս, քրեական վարույթով վկաները բնակվում են Արագածունի մարզում: Այսինքն՝ վարույթի օժանդակող անձինք և մեղադրյալ Ավերիք Նավոյանը բնակվում են Երևան քաղաքի առաջին արյանի ընդհանուր իրավասության քրեական դաւարանի դատական տարածքին մոտ բնակավայրում:

Վարույթով որպէս հանրային մեղադրող ներգրավված է Արարատի կայազորի զինվորական դատախազության դատախազ Գ.Ներսիսյանը, ով չի առարկել ներկայացված տարածքային ընդդատությունը փոփոխելու հարցի շուրջ:

Այսպիսով, Դաւարանն արձանագրում է, որ սույն քրեական վարույթով մեղադրյալ Ավերիք Գևորգի Նավոյանը և վկաները բնակվում են Սյունիքի մարզի առաջին արյանի դաւարանի դատական տարածքից դուրս:

Տարածքային ընդդատության փոփոխման միջնորդություն է ներկայացրել մեղադրյալ Ավերիք Գևորգի Նավոյանը:

Այսինքն՝ Դաւարանն արձանագրում է, որ քրեական գործի տարածքային ընդդատությունը փոխելու՝ Օրենսգրքի 261-րդ հոդվածի 5-րդ մասով նախատեսված անհրաժեշտ երկու պայմանները միաժամանակ առկա են:

Ավելին՝ Դաւարանի գնահատմամբ քրեական դատավարության արդյունավետ կազմակերպման, քրեական վարույթի արագ, լրիվ և օբյեկտիվ քննության նկատառումներից ելնելով՝ սույն քրեական վարույթի տարածքային ընդդատությունը փոխելն անհրաժեշտություն է:

Այսպիսով, ելնելով սույն քրեական գործի առանձնահատկություններից, Դաւարանը գտնում է, որ քրեական վարույթի տարածքային ընդդատությունը պետք է փոփոխել և վարույթն ուղարկել Երևան քաղաքի առաջին արյանի ընդհանուր իրավասության քրեական դաւարան, քանի որ քրեական վարույթով մեղադրյալ Ավերիք Գևորգի Նավոյանը և վկաները բնակվում են այդ դաւարանի դատական տարածքին մոտ բնակավայրում, ավելին՝ սույն դեպքում տարածքային ընդդատության փոփոխումը բխում է նաև արդարադատության արդյունավետության շահերից: (...)»²:

² Տե՛ս վարույթի նյութեր, հատոր 2, թերթեր 25-27:

7. Երևան քաղաքի առաջին ատյանի ընդհանուր իրավասության քրեական դատարանը 2023 թվականի նոյեմբերի 20-ի որոշմամբ արձանագրել է. «(...) Սույն որոշման իրավական դիրքորոշումների լույսի ներքո դիտարկելով Սյունիքի մարզի առաջին ատյանի ընդհանուր իրավասության դատարանի կողմից քրեական գործի տարածքային ընդդատությունը փոխելու մասին որոշման հիմքում դրված հանգամանքները՝ հարկ է ընդգծել, որ Սյունիքի մարզի առաջին ատյանի ընդհանուր իրավասության դատարանը եկել է հետևության, որ քրեական վարույթով մեղադրյալը և վկաները բնակվում են Երևան քաղաքի առաջին ատյանի ընդհանուր իրավասության քրեական դատարանի դատական տարածքին մոտ բնակավայրում, այն դեպքում, երբ տվյալ հարցը կարգավորող հայրուկ իրավակարգավորմամբ, այն է՝ ՀՀ քրեական դատավարության օրենսգրքի 261-րդ հոդվածով, ամրագրված է ոչ թե տվյալ առաջին ատյանի դատարանի դատական տարածքին մոտ, այլ այդ դատարանի (սույն դեպքում՝ Երևան քաղաքի առաջին ատյանի ընդհանուր իրավասության քրեական դատարանի) դատական տարածքում բնակվելու նախապայմանը, ընդ որում նշված նախապայմանն էլ պետք է առկա լինի վարույթի մասնավոր մասնակիցների և վկաների մեծամասնության պարագայում:

Սույն դեպքում քրեական գործի նյութերից հետևում է, որ մեղադրյալ Ավետիք Գևորգի Նավոյանը փաստացի բնակվում է Արմավիրի մարզի Վաղարշապատ համայնքի Էջմիածին քաղաքի Հոկտեմբերի փողոցի 15-րդ տանը և տվել է իր համաձայնությունը՝ տարածքային ընդդատությունը փոխելու համար:

Վկա Զարգանդ Հովհաննեսի Բարսեղյանը հաշվառված է Արագածոտնի մարզի Թալին համայնքի Արտենի գյուղի Պ.Սևակի փողոցի 1-ին տանը, փաստացի բնակվում է Արմավիրի մարզի Փարաքար համայնքի Փարաքար գյուղի Այգեարան փողոցի 7-րդ տանը, իսկ վկա Հայկ Հրաչիկի Հակոբյանը փաստացի բնակվում է Արագածոտնի մարզի Ապարան համայնքի Հարթավան գյուղի 15-րդ փողոցի 3-րդ տանը:

Վերոշարադրյալից հետևում է, որ տվյալ դեպքում քրեական գործով վարույթի մասնավոր մասնակիցներից և վկաներից ոչ մեկը չի բնակվում Երևան քաղաքի առաջին ատյանի ընդհանուր իրավասության քրեական դատարանի դատական

տարածքում, հերևարար՝ սույն վարույթն ընդհարյա չէ Երևան քաղաքի առաջին արյանի ընդհանուր իրավասության քրեական դարարանին (...):

Վերոգրյալի հաշվառմամբ դարարանը գրնում է, որ տարածքային ընդհարությունը փոխելու՝ վերը նշված նախապայմանի վերաբերյալ Սյունիքի մարզի առաջին արյանի ընդհանուր իրավասության դարարանի հերևությունները չեն քիտում ՀՀ քրեական դարավարության օրենսգրքի 261-րդ հոդվածի 5-րդ մասով սահմանված պահանջից: (...)»³:

Վճռաբեկ դատարանի քրեական պալատի նախագահի հիմնավորումները և եզրահանգումը.

8. Սույն վարույթով բարձրացված իրավական հարցը հետևյալն է. հիմնավոր է արդյո՞ք Սյունիքի մարզի առաջին ատյանի ընդհանուր իրավասության դատարանի կողմից թիվ ՍԴ/0160/01/23 քրեական վարույթի տարածքային ընդհատությունը փոխելու և քրեական վարույթը Երևան քաղաքի առաջին ատյանի ընդհանուր իրավասության քրեական դատարան ուղարկելու մասին որոշումը:

9. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դարարանի կողմից իր գործի արդարացի, հրապարակային և ողջամիտ ժամկետում քննության իրավունք»:

10. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրելծված անկախ ու անաչառ դարարանի կողմից ողջամիտ ժամկետում արդարացի և հրապարակային դարաքննության իրավունք»:

11. Վճռաբեկ դատարանը Գևորգ Հարությունյանի գործով իրավական դիրքորոշում է ձևավորել այն մասին, որ «(...) Գործերի պարշաճ ընդհարությունը, որպես արդար դարաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը քիտում է արդար դարաքննության ինստիտուցիոնալ տարրից՝ անկախ, անկողմնակա, իրավասու և օրենքի հիման

³ Տե՛ս վարույթի նյութեր, հատոր 2, թերթեր 38-41:

վրա սրեղծված դատարանն ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հստակ կանոնների առկայությունը և դրանց կանխարեւելի գործադրումն անհրաժեշտ պայման են կողմնակի դիտորդի մոտ այնպիսի համոզմունք ձևավորելու համար, որ տվյալ կոնկրետ քրեական գործը քննող դատարանը և դատավորը նախատրամադրվածություն չունեն, և տվյալ գործը վարույթ ընդունելիս սուբյեկտիվիզմն ու կամայականությունը բացառված են եղել:

Այսպիսով, քրեական գործերի ընդդատության որոշման հստակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պատշաճ երաշխավորման համար (...)⁴:

12. ՀՀ քրեական դատավարության օրենսգրքի 261-րդ հոդվածի 5-րդ մասի համաձայն՝ «Տարածքային ընդդատությունը բոլոր մեղադրյալների համաձայնությամբ կարող է փոխվել, եթե վարույթի մասնավոր մասնակիցների և վկաների մեծամասնությունը բնակվում է առաջին արյանի մեկ այլ դատարանի դատական տարածքում: Ընդդատությունը փոխելու որոշումն ընդունում է մեղադրանքը քննող դատարանը»:

13. Սույն վարույթի նյութերի ուսումնասիրությունից երևում է, որ՝

- Մեղադրյալ Ա.Նավոյանը նախնական դատալսումների ժամանակ միջնորդել է քրեական վարույթի տարածքային ընդդատությունը փոխել և վարույթն ուղարկել

⁴ Տե՛ս Վճռաբեկ դատարանի՝ Գևորգ Հարությունյանի գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

Երևան քաղաքի առաջին ատյանի ընդհանուր իրավասության քրեական դատարան⁵:

- Սյունիքի մարզի առաջին ատյանի ընդհանուր իրավասության դատարանը փաստելով, որ մեղադրյալ Ա.Նավոյանը բնակվում է Սյունիքի մարզի առաջին ատյանի ընդհանուր իրավասության դատարանի սպասարկման տարածքից դուրս, իսկ քրեական վարույթով վկաները բնակվում են Արագածոտնի մարզում՝ որոշում է կայացրել քրեական վարույթի տարածքային ընդդատությունը փոխելու և վարույթը Երևան քաղաքի առաջին ատյանի ընդհանուր իրավասության քրեական դատարան ուղարկելու մասին այն հիմնավորմամբ, որ մեղադրյալը և վկաները բնակվում են Երևան քաղաքի առաջին ատյանի ընդհանուր իրավասության քրեական դատարանի դատական տարածքին մոտ բնակավայրում⁶:

- Երևան քաղաքի առաջին ատյանի ընդհանուր իրավասության քրեական դատարանը փաստելով, որ վարույթի մասնավոր մասնակիցներից և վկաներից ոչ մեկը չի բնակվում Երևան քաղաքի առաջին ատյանի ընդհանուր իրավասության քրեական դատարանի դատական տարածքում՝ գտել է, որ վարույթի տարածքային ընդդատությունը փոխելու հիմքն առկա չէ⁷:

14. Սույն վարույթի փաստական հանգամանքները գնահատելով վերոշարադրյալ իրավադրույթների և իրավական դիրքորոշումների լույսի ներքո՝ հարկ է արձանագրել, որ Սյունիքի մարզի առաջին ատյանի ընդհանուր իրավասության դատարանը քրեական վարույթի տարածքային ընդդատությունը մեղադրյալի միջնորդությամբ փոխելիս և վարույթը Երևան քաղաքի առաջին ատյանի ընդհանուր իրավասության քրեական դատարան ուղարկելիս չի պահպանել ՀՀ քրեական դատավարության օրենսգրքի 261-րդ հոդվածի 5-րդ մասի պահանջները: Մասնավորապես, ՀՀ քրեական դատավարության օրենսգիրքը որպես վարույթի տարածքային ընդդատությունը փոխելու պարտադիր պայման նախատեսում է ոչ թե վարույթի մասնավոր մասնակիցների և վկաների մեծամասնության **տվյալ առաջին ատյանի դատարանի դատական տարածքից դուրս**, այլ **առաջին ատյանի մեկ այլ դատարանի դատական տարածքում**

⁵ Տե՛ս վարույթի նյութեր, հատոր 2, դատական նիստի արձանագրություն, թերթ 24:

⁶ Տե՛ս սույն որոշման 6-րդ կետը:

⁷ Տե՛ս սույն որոշման 7-րդ կետը:

բնակվելը: Մինչդեռ սույն քրեական վարույթի նյութերի ուսումնասիրությունից երևում է, որ որպես մեղադրյալ Ա.Նավոյանի հաշվառման և բնակության վայր նշված է Արմավիրի մարզը, վկա Հ.Հակոբյանի հաշվառման և բնակության վայր՝ Արագածոտնի մարզը, վկա Զ.Բարսեղյանի հաշվառման հասցեն թեև նշված է Արագածոտնի մարզը⁸, սակայն, ըստ վարույթի նյութերի, վերջինս բնակվում է Արմավիրի մարզում⁹: Հետևաբար, չի հաստատվում, որ սույն վարույթի մասնավոր մասնակիցների և վկաների մեծամասնությունը բնակվում է Երևան քաղաքի առաջին ատյանի ընդհանուր իրավասության քրեական դատարանի դատական տարածքում: Նման պայմաններում գտնում են, որ ՀՀ քրեական դատավարության օրենսգրքի 261-րդ հոդվածի 5-րդ մասով սահմանված՝ քրեական վարույթի տարածքային ընդդատությունը փոխելու օրենսդրական հիմքը բացակայում է:

16. Ամփոփելով՝ գտնում են, որ Սյունիքի մարզի առաջին ատյանի ընդհանուր իրավասության դատարանի կողմից թիվ ՍԴ/0160/01/23 քրեական վարույթի տարածքային ընդդատությունը փոխելու և քրեական վարույթը Երևան քաղաքի առաջին ատյանի ընդհանուր իրավասության քրեական դատարան ուղարկելու մասին որոշումը հիմնավոր չէ:

Վերոգրյալի հիման վրա և ղեկավարվելով ՀՀ քրեական դատավարության օրենսգրքի 263-րդ հոդվածի 6-րդ մասով՝

Ո Ր Ո Շ Ե Ց Ի

Ավետիք Գևորգի Նավոյանի վերաբերյալ ՀՀ քրեական օրենսգրքի 525-րդ հոդվածի 5-րդ մասով թիվ ՍԴ/0160/01/23 քրեական վարույթն ընդդատյա է Սյունիքի մարզի առաջին ատյանի ընդհանուր իրավասության դատարանին:

ՀԱՄԼԵՏ ԱՍԱՏՐՅԱՆ

⁸ Տե՛ս վարույթի նյութեր, հատոր 1, թերթ 275:

⁹ Տե՛ս վարույթի նյութեր, հատոր 1, թերթ 151:

